

*Proprietà letteraria
riservata*

*Donna
dell'arte*

EMILIO AMBROGIO PATERNO



LE CITTÀ MARINARE D'ABRUZZO E MOLISE

(QUADRETTI)

STAB. TIP. ARTE DELLA STAMPA
PESCARA
1957



TERMOLI

Guarde TERMOLI da lu parapette
e nu ricorde m'arrivè 'lla mente
com'eve la città anticamente
nche la torre, la Chiese e du' casette.

Pu' venì lu Castelle a lu cuspette
di lu mare chiantate arditamente
pi dilizie e difese di la gente,
a Federico care e predilette.

Mo TERMOLI si stenne a destre e a manche
è divintate 'na città 'mpurtante
ngghi li case a lu sole tutte janche.

Belle lu porte, spiagge e panurame
nche l'isole di Tremete davante:
TERMOLI d'lu Mulise è nu richiame

LU VASTE ⁽¹⁾

Lu Vaste t'arricrejje, perla rare
di l'Abruzze Chietine a balle a balle:
te' lu Trigne che scorre pi la valle,
a pide a la culline te' lu mare.

Vi' nu cone nche me a San Michele,
l'ucchie si perde fine a lu Gargane
da Punta Penne a Tremete luntane:
nu paradise è mare terre e cieie.

La marine gne n'arche si prisente:
come 'na fagge nghe la lame d'ore
a la spiagge prujette lu culore
e done a tutte cose l'urnamente.

Li barche nghe li vele tente a rose
danne a lu quadre pu' 'na fantasie
che nin ne truve uguale a addre vie:
belle a cucchie isse stanne a lu ripose.

Nu prufume di mirte e d'arancete
sale pi l'arie 'n tutte li stagione;
lu Vaste ride di suddisfazione,
'mbacce a lu sole 'n mezze a l'ulivete.

A ecche sta lu Vaste, amice care,
patrie d'eroi, d'artiste e di puete:
p'esse' pruvincie aspette lu decrete,
te' fede all'unurevole Spatare.

(1) Questa poesia ho preferito lasciarla così com'è invece di farne uno o due sonetti.

SAN VITE MARINE

Su la spiagge Frentane è Sante Vite,
lu scale naturale di Lanciane.
Pi la pusture e pe' la Sangritane (1)
è nu poste d'incroce e di cunvite.

Tante billazze tene custu site
ch'a ragione se vante d'Annunziane..
Lu puete ci à corse culle e piane
a tempe di la giuventù fiurite.

Spurgenze, baie, culline e pajese
vistite di ginestre e d'addre fiure
'nzimbre a l'Ereme è tutte 'na surprise.

San Vite spiagge sta nu poche arrete,
manche la rene e pu' l'attrezzature,
ma l'arie è bone e ci si sta quiete.

(1) Ferrovia secondaria che s'allaccia alla statale e si dirama nel retroterra.

URTONE

Sente nu cante pi li vi' d' Urtone
addò vene, addò esce dolcemente
gne n'acche di funtane a la surgente.
Pajese di billazze e di passione...

Ci nasce da lu core la canzone
all'arie de lu mare arilucante,
e sopra la tirrazze a ll'oriente
pijje sapore da lu pergulone.

Tre cose belle truve pi li case:
lu cante vive, l'arte marinare,
la fede sempre ardente a Santummase.

La storie di Urtone è storia sane:
lu porte e lu cummerce di lu mare
fanne unore a la città frentane.

FRANCAVILLE

E' certe ca nzi scorde la riviére
di Francaville di trent'anne arrete:
li Chiise, case e strade come ere
su da lu Fore a ll'ultime piuppete.

Lu pajese purtave la bandiere
pe' le cumudità a lu cumplete;
allore c'ave sole stu pinsiere:
lu spasse, la salute e la quiete.

Venì la guerre e tutte fu distrutte;
lu pajese rimase senza tette
e pi dici anne fu vistite a lutte.

Mo chiù belle è risorte Francaville,
pure la spiagge te' tutt'altre aspette,
z'arrignogne a Piscare nche li ville.

PISCARE

I.

Piscare, e che Piscare ci-arritrove
da cinquant'anni fine a stu mumentel...
Ricordo sempre e tinghe bene a mente
li quattre casarelle a Portanove.
Ma da cande ci fu lu fatte nove,
Castellamare unite a la parente
e la Pruvince create senza niente,
Piscare è di l'Abruzze lu ritrove.
Tutta la gente sciagne a la pianure,
da la muntagne scase e va a 'llu mare,
la città à passate ugne misure:
larghe, lunghe di chiù di cinque mijje:
palazze, strade, chiese e lunghemare
fa' di Piscare mo 'na meravijje.

II.

Si dice che Piscare nen te' storie,
n'è antiche gne l'addre cunsurelle,
picchè n' zi trove mure e cusarelle
che danne luce e fede a li mimorie.
Piscare, 'nmece, à tante e tante glorie:
da chille timpe di la zattarelle
tinè lu porte e eddre cose belle,
ci raconte accuscì la crunistorie.
La cittadine si chiamave Aterne,
tenè tiatre e loche di prighiere,
torre, bastione, carcere e guverne.
'Na strade, la Valerie, fiume e mare
signave nghe la terre la fruntiere:
chi la tuccave le pagave care...

SILVE

Custe girà che facce pi li spiagge
mi fa cunosce bene chiste poste,
e ugne tante j' vi facce soste
quasi pe' ripurtarene n'assagge.

Di Silvi, pi' n'esempie, li paragge
tinute sone state di nascoste;
invece lu pajese mare e coste
merite veramente lu vantagge.

Silvi à la gintilazze di li slave,
l'abitante so' dette *Dulcignotte*,
comunità venute da la Save.

La spiagge te' pu' tutte li mutive
di nu Sanreme e di 'na Piedigrotte;
d'està la gente a nùvole v'arrive.

PINETE

Terre di Mutignane e di Pinete
du' pajese 'na sola spiaggia bone,
ritrove di gente umile e quiete
che sta cuntente a ciò che Dije done.

Pe li pine ci-à spese che munete
don Luigi Filiane, signurone!...
E li ville e casette di Pinete
ci s'aricreje 'mmezz'a stu macchione

di pine che s'allinee a lu mare
a chiù filare gne na gallerie.
Oh sta pinete che billezza rare!

'Stu verde azzurre e chestu fresche umbrose
e st'arie e sole è tutte n'armonie
ch'invite chi ci passe a lu ripose.

RUSETE

Brutte nome tineve lu pajese,
di linguaggio straniera la radice:
Rosburghe si chiamave e vilipese
venì da tutte e pure da l'amice.

Ma stu fatte da n'ome fu cumprese:
— « Nz'à da chiamà Rosburghe, esse dice,
ma Rusete d'Abruzze ». Ditte 'ntese,
lu nome fu cagnate e fu felice.

Rusete, « cote di Montepagane »,
arrete te' 'na fertile culline
e lu Gransasse poche da luntane.

Da Vill'Ardente a Russicum si spanne
e ride la magnifica marine
nche viale e ville e rose a ranne a ranne.

GIULIANOVE

Pratiche già nin so' di Giulianove,
l'ajje viste du' vodde di passagge;
m'è piaciute chell'ansie di rinnove
che je dà sopra all'addre lu vantagge.

Antica gravità e grazia nove:
bastione, chiese e mure tra li fagge,
palazze, monumenti chiù che altrove
truve nche li billazze di la spiagge.

La cittadina spazie da luntane:
da lu Gransasse arrete duminare
'nnanze acchiappe lu mare nche le mane.

« Pusillipe d'Abruzze » esse se vante;
e sopr'a la riviera profumate
te' culonne vestite d'amarante.

ALBA ADRIATICA

Turturete-Nerete a ca' lu Tronte
è 'na spiagge graziose e piccolette
che ve' da modda gente predilette:
la robbe d'ugne gènere v abbonte.

Turturete eve, come s'aricconte,
trine nche la stazione e la spiaggette:
sti du' villotte stanche a sta suggette
si so' messe nu sole nome nfronte:

Alba Adriatica. Sta città nuvelle
garde fiduciose a l'avvenire:
sente ch'è nate sotto bona stelle.

Già s'è messe di punte chesta gente
arrifà porte, nave e lu cantire.
Su, Turturete, all'opera accunsente.

